

مقاله

«تخلص وطن»

«اعلاى دين»

۱ شباط افرنكى ۱۸۹۷ سنه ۱

شورای امت

نومرو ۷ ۲۹ شعبان المعظم ۱۳۱۴

آدره سمز:

ابونه بدلی: هریر ایچون سنه لکی برانکیز لیر اسیدر. — بازار ایرتسی کونلری شراولنور —

قانون اساسی — صندوق البوسته نمرة ۳۳۰

مصر القاهره CANOUN- I - ESSASSI

BOITE SPECIALE

N. 330

CAIRE, (Egypte).

نه ممکن ظلم ایله بیداد ایله احساسی حریت
چالیش ادراکی قالدیر مقتدر سهك آدمیتدن
کال

نسخه سی ۲ غروشد

داخله بولنان ارباب غیرت و حقیقه نشر و تعمیمی تعهدایتدی
خالده بجاناده کوندریلور.

وسائط مخصوصه ایله ایستینار ایجاب ایده جک فضلہ

اجرتی کوندرمیلدر

افکار عمومی ملیه نی تنویر ایله وطن مقدس لك تخلصی شریعت و حمیت نامنه طلب ایدن جریده مرکز تعمیمی هر مسلم و عثمانی ایچون بر فریضه در

فوق العاده مظهر محبتی اولوب تربیه لرینه غایتله اعتنا ایدلش
ودها کوجک باشندن اعتباراً دایه لر، و خادمه لارک مقصد
اخلاق اداره لرندن آلتوب جذبی صورته تحصیلنه
اهتمام ایدلشد. کندیلری ده ذکاوت و شایان دقت بر
حافظه به مالک اولدقلری کی تحصیلده خواهشکر
بولندقلرندن ابتدا ترکیجه بی فرید افندی و کردان قیران
عمر افندی ناملرنده کی ذواتدن اوکر نمشلردر.
خصوصیه عمر افندیکن حمیتله ترکیجه ده فوق العاده
دنیه بیله جک قدرت قلمیه لری حاصل اولمشدر که مقدما
طبع اولمش اولان بر قاج خصوصی مکتوبلری بوکاپک
کوزل نمونه درلر، سوکره لری شیخ حافظ افندی
نامنده بر ذلندن دخی علوم دنیه و عربیه بی تحصیل
ایلدکلری کسبی تاریخ و ریاضیات و فن ترسیمه ده
چالیشملردر. اون درت باشلرینه و صوللرلر ده فرانسز
جه تحصیلنه باشلامشدر که بر برینی متعاقب صدراسبق
مرحوم ادهم پاشا، کال پاشا و موسیو (غارده)
نامنده بر فرانسز معلمکلرنده بولنشد.

طبیعه پددرلری کی انسانیکارانه بر حلم و شفقتله
تمتاز اولوب حتی یکریمی اوج سنه خدمتده بولنان بر
ذاتک تأمینته کوره هیچ بروقت بومتاز صفتلردن بری
کورولمه مشدر. پدر لرینک زیاده مظهر محبتی اولدقنی
شهراده لك هنرکامنده عمیدی عبد العزیز مرحوم کی
اشتافی محال اولانلر بیله محامیه لره بر حس حرمت
و محبت القا ایتدی کی از جمله برادر لرینه قارشی عجب
سنگ دور استبدادنده شایان دقت بر محبت و حمایت
کوستر مشدر، که بوکی بر تمثال انسانیتهک حالا عالم
مدینه لکه و عثمانیله بر منبع بلا اولمقدن خالی قالمیان

— درجه تالیه ده در.

مقصد اصلیمز یکریمی بش سنه دینری دولتمزک
باشندن کچن وقوعات مهمه لك شرح و تحلیلله بونلرک
احوال حاضر ده کی نتایجی انظار عبرته عرض ایلمک
و بویخصوصیه عمومیه بلان پاکش معلومات و محاکات
اوزرینه تأسی ایدن افکارک تعدیل و تصحیحیه بر
مجرای سلیمه سوقنه — قدرتمز داخلنده — خدمت
ایلمکدر. و آئیده کوریه جکی وجهله تاریخ عثمینک اک
بیوک انقلاب و بحر انلرندن بری و بلکه ده — نتایجی
اعتباریه — اک برنجیسی اولان ۹۲ وقایعک محور
اصلیسی ایسه سلطان مراد خامس حضرتلری اولدقندن
نام عالیلرینی سرنامه اتخاذ ایلدک؛ زیرا ترجمه حال
سیاسلری سولنه جک وقوعاتک هان عمومی شاملدر.
فقط بوندن اول رازده خاقان مشار الیهک ترجمه
حال خصوصیلرندن دخی بحث اولنه جقدر؛ و بونقاط
نظر دن هم مظلوم اکبرک سرگذشت دلسوزی ایله
مظالم حیدیه لك عبرت نمابرلوحه سی عرض ایدیه بک
وهم ده اونادره خاقتک بویه جنسایکارانه بر صورتده
حیات تشار اولرق کومولسیه ملئک فصل بر ۶ عثمانی پادشا
هی غائب ایلدی و حتی اوزرینه — بلکه اعاده سی غیر
ممکن — بر (استقبال) ده ویردیکی آکلاشیه جقدر،
که حال ایچون رهنا، و یامستقبل ایچون بردرس اوله
سیلورسه مقصدهده حصوله ککش اولور.

سلطان مراد خامس حضرتلری شمیدی خالده الی
یدی باشلرنده اولوب سلطان مجیدخان حضرتلری صابندن
و برچرکس و والدهدن تولد ایللمشدر. پدر لرینک

رجا

بروغرائمزلک اقسام مهمه سندن بریسیده تشهریدر.
بنه علیه بو مقصد خیره خدمت ایتک اورزه کرک
استان بولده و کرکسه ولایتده بولنان عموم حمیتی
عثمانلردن آئیده کی مواد حقده بیلدکلری معلوماتی
غایت دوعری، بی غرضانه اوله رق اشعار ایتیه لرینی
رجا ایدرز:

۱ — منافع ذابیه سنه خدمت ایچون ارتکاب و انواع
دائقی اجرا ایلنرک

۲ — اکابرتمک و حیوینون ماضی و یاحالده یلیریز
جنایانه آت اولانلرک

۳ — دوائر ملکیه و عسکریه ایله اردولر ده مکتبده
خفیه لك ایدن آخچلرک افعال سیلرلری و تراجم احوالی.

سلطان مراد خامس

و یا

چراغان محبوبی

بوسرنامه آئنده سولنه جک سوزلرک هیچ
برسی سلطان مراد خان حضرتلرینک تکرار جلوسنی
تخی امیلیه یازلیه جقدر؛ زیرا حال حاضرده اتخاذینی
صواب کوردیکمز مسلک مقام حکمدارینک شخصیتی
اولیوب اصول اداره لك عمومیت اعتباریه اصلاحی و امور
دولتک شخص واحد؛ ید استبدادندن آلتوب بر
«شورای امت» که عهده امنیت و کفایته تودیعیه آثار
اولیه سی مع التأسف ظاهر اولان بایه انقراضک اوکی
آلهرق ملتزمک موجودیت سیاسی سنی تأمینته چالیشمق
اولدقنی جهتله بوکی مسائل — عمومیت مقصده نسبتاً

سرای عالمده وجود بولسی تصور اولتورسه فکده بز
حس حیرت و انجلا ب که مک ممکن اوله من .

پدرلرینک و قایله سلطان عزیزک جلوسی اوزرینه
مشار الیه بالطبع اسکی سربستی پیبدی غائب ایدرک
منزویانه برعسر کچر مکه باشلامشر و مناسبت پیدا
ایندکری عثمانلی واجبی افکار منوره احمایله الفتسه
دوام ایلمشدرکه بوسایده اساسی اولدقجه متین اولان
تحصیلاری واستعداد فطری کنیله نده عمومک
مظهر تصدیق و تقدیری اولان برفکر تجدد حاصل ایتش
ودور عزیزینک مساوی بی نهای سی ایچنده استقباله
مضطربانه باقان ارباب غیرته جمدی امیدلر بخش
ایلمشدر .

سلطان عزیزک هنگام سلطنتده باشلیجه کچن
وقوعات میانه مصر و اووپا سیاحتاری ذکره شایاندر
سلطان عزیزک ایتدای دورده سعید پاشانک و قایله
مصر و لایتنه کچن اسماعیل پاشا اوزمانلر جاری اولان
والیک عنوانی خدیویه تبدیل ایلمک و فرمانی استحصال
ایلمک اوزره استانبوله کیمش واستحصال مقصده
وسیلله اولوق اوزره سلطان « فیض جهاد » نامنده
(شمدیکی سلطانیه) ۱۵۰۰۰۰۰ بیسک لیرالوق برتیزه
واپوری تقدیم ایلمشیدی . و بونک تجربه سی امیلیه
مصر سیاحتی تقرر ایلمش ایدی ، که برآی دوام ایدن
بومدخه سلطان عزیزک یکنلرینی استانبوله براقمه برق
برابرجه مصره کتیرمشر . لکن مشار الیهک کوندن
کونه عمومده حاصل ایلدیک آتار محبت سلطان عزیزک
اوهم وحسدینی زیاده تحریک ایلدیکندن استانبوله
عودی متعاقب اهمیت بر وسیله ایله برسنه سرایده
حبسنی امر ایلمشدر . بومناسبتله سلطان مراد
حضر تلرینک دیکر برآر علویتی دسویلمک لازمدر :
معلوم اولدنی اوزره خدیو اسبق اسماعیل پاشااره
صره استانبوله پادشاهدن ، وکلادن ، اغازه قدر
کوتوردیکی هدیه لرله جلب قلوب ایدرک رجوق
امتیازات استحصال ایدرلردی . بولردن برنده ، که
پادشاهه (۸۰۰۰۰۰۰) بیسک لیرا تقدیم ایدلمشیدی ،
ولی عهد بولان سلطان مراد حضر تلرینه ده دور
اندیشه برماخله ایله اواج میایون فرق هدیه ایتسک
ایستمش ایسه ده : « پاره کری هدیه اوله رق قبول
حیثیتمه موافق اوله میه جفی کی مایه سی قابل اولمیان
برحمایه نکه بدلی اوله ماز » جوابی آلمشدر . سرایده ،
باب عالیده کوچکی ، بیوکی ارتکاب وارثا ایچینه
یوزولدیکی ردمده برشزاده دن صدور ایدن بیوکیلک
آری البته قلوب امتی برحس فخر ایله مشحون ایدر .
و مشار الیهک علویق حقدده — بشقه معلومات اولمسه ده —

بر فکر مخصوص پیداسنه کفایت ایلر .

مصر سیاحتندن درت سنه سوکره سلطان عزیزک
اوروپا سیاحتی وقوع بوله رق اوغلی یوسف عزالدین
افندی ایله برابر کنلری سلطان مراد وحیدده برابر
بولمشدر .
بومدخه دنی مشار الیه پارس ، لوندزه و برلینده
فوق العاده تقدیر و محبت مظهر اولمشدر . عودده ایسه
سلطان عزیزک استبدادی بوسبتون آرتیه رق قوربنه لی
دره کوشکندن چیقسنه مساعده ایدلمدیک کی اورایه
کیسه بی قبوله ده مساعده ویرله مشدر . معافیه کته
بعض ذوات منوره ایله کیزی اوله رق مناسبتده دوام
ایلمشر . و بوسورنله سلطان عزیزک اواخر سلطنته
قدر وقت کچیرمشردر ، که بودور محضربک صوک
کوناریله جلوسلاری و اونی تعقیب ایدن اوج ایاق
وقوعات دخی مشار الیهک ترجمه حال سیایلرینی تشکیل
ایله جکدر .

خلعلرینی تعقیب ایدن یکرسی سنه لکد ورفلا کتمده
ایسه آلتش عصرلق تاریخ بشریتک مثال نایسنی کوستره
مدیکی برعربه استبدادک متنه مزار انقراض قازمده
اولان دست ظامنده اسیرانه امرار حیات ایتشدرکه
بوده مدینت انسانیهک واصل اقصای کمال اولدنی
عصر حاضرک قیمت حقیقیه سی کوسترن وقوعاندندر .

(ما بعدی وار)

برمعما

« تظلمات ممالک عثمانیه » سرلوحه سیله لوندزه ده
نشر اولان رفیق غیرتمز « حریت » غزنه سنک آلتش
آلتنی نومر ولو نسخه سنده کی مقاله نی مطالعه ایلدک .
پادشاهک سیاتی اوزون اوزادی به محاکمه ایدیور .
سوکره شویله بر فتره کلیور . یعنی :

« تاریخ یکی عثمانیلرک اوجباره قارشی یک بیوک
مردک ، قوه حیاسیه ، شجاعت اراثه ایتدکری و شهید
اولمندن ، زهرلنمکدن ، سورولمکدن قورقدقربی لسان
مفخرت و تحسین ایله اسلافه بیلدیره جکدر . کذلک
تاریخ غازی عثمان ، مختار ، شاکر ، فؤاد پاشا لرو
اکابر امت اولمری لازم کلان ذواتک بوفلا کتله نظر
بیقیدی ایله باقد قوربنی تقبیح ایله جکدر . دیور .

نه دوغروسوز نه عبرت آمیز برجه در . زمان
کبی بر محکمه کبری ، تاریخ کی بر محله اعمال واردر .
کده حقیق طایعتمق ایسته ین راجلز بونی در خاطر ایتلی ،
تأمل ایلملدر . تاریخک ویره جسکی حکم قطعیدن
قور قلیدر . بخت وطالعلرینک کتورمش اولدنی ممتاز
موقعلر سایه سنده نه لره موفق اوله سیله جسکربنی
دوشونلملدر . یکی عثمانیلرک فداکارانه حرکتلرندن

استحصال اولان نمره لر میدانده اولد یغندن اوفق بر مقایسه
ایلملدر لر .

مدحت پاشا کی بش دانه راجلز اولیدی باشعزه
بوخه بالار کله مزدی . شهید مشار الیهک حقدده اجرا
ایدیلان مظالمه « یاهو ! نه یاپورسک » ده جب کپرتسو
ایده جک ایکی کتی ده بوله مدی . ملت نظر نده قزاش
اولدنی حرمت ورعایتی چکه میانلرده سلطان حمید
یارد قلاق ایتدیلر .

مدحت شهید ایلسانه برمحاکمه به هدف اولدی .
ملک نائل سعادت اولمیچون حیاتی فدا ایتکی کوزه
آلدیردی .

نه اولدی ؟ آره دن اون الی سنه کچیدی . فقط
مدحت پاشا اولدی . ایسته اصل شمدی پشامه باشلادی .
بوندن سوکره ده اونام دها بیویه جک ، مدحت الی
الاید پشایه جق دکلدر ؟ یارین نائل حریت اوله قانقون
اساسیمزه قووشتم . باقیکنر نه لر اوله جقدر . مدحتک تاریخ
حیاتی آتون یازیلرله یازیله جق ، نامه هیکلر دیکله
جکدر . مدحت وظیفه سی اجرا ایتدی . بویه ناموسی
بر وطن فدا یسنی اونوته جق قدر عثمانلی ملت آلتی ،
نانکور دکلدر . بنسأ علیه بوندن بویه ده ملت کاکارشی
بورجلو اولدنی وظیفه بی ایفایه غیرت ایده جکدر .

هیهات ! بوکون مدحتک ایتدیک فدا کارلغک اونده
برینی بر روزیرمن ایفا ایتش اولسه ینه جان مت ایدی !
یوقاریده « حریت » رفیقمک ذکرا ایتدیک پاشا من ؛
والسفا که قزاندقاری حسن شهر تلرینی سیله محافظه ایده
مدیلر . بوکون بوناملر محکمه ملته جکلش طور سیور
... حکم زمانلری یاقلاشیور . حکم ویرمک ایچون
زمانه ده احتیاج یوقدر . چونکه بوذاتلری ، یکی عثمانیلرک
مساعلرینه سیرجی اولمری قدر محکوم ایده جک برشی
تصور ایده میورز .

حتی بونلر نه ایچون بیکانه دور سیورلر ده اجنیلردن
واقع اولان سؤالره ده نه جواب ویره جکمری
شاشیروب قالیورز : زده هیچ راجل یوقدر ، بیوکی یزده
حجت قالمشدر « دیمکه دوغروسی حجاب ایدیورز .
بونی دیسه کده یک حقلی اولدیغمری بیورز . فقط
بزیته بوذاتلردن برآر حجت ، بر نمونه فضیلت بکله یورز .
عجب بر خطصاده می بولنیورز ؟ !! . حالیکه ، حالا
سلطان حمیدک اصلاح نفس ایده جکی فکر نده بولنه جق
قدر بوذاتلر عقلسز ، فکر سز میدر لر ؟ ز بوکاده اسانه
میز ، امکان تصور ایده میز . دشمن قارشیسنده حیات
ومسات ایله پنجه لشمش قهرمانلر مزه قانسزلق ده
اسناد ایتک ایسته میز . حیات ده کوره میز .

ای راجلز ! سترک ولی نعمتکری سید زده انواع مظالمی